



امور داخلیه

بیانیدن مستغنی اولدیغی اوزره شوکتآب کرامتصاب ابدت سلطنته الی یوم الحساب افندیمن حضرتلری من الفیض الازی خصائل جلیله شفتت وعدالت ایله مقطور و متحلی اولدقلری جهته ظل ظلیل عیدم العدیل شهنشاهیله مستظل و محیی اولان بالجه عباد و سکنه ممالک و بلادک هر حال وزمانده اسایش حال و فراغ باللری خصوصی نزد مرحت پیوند ملوکانه لرنده بغایت ملترزم و مطلوب اولدیغندن و توقضیه مرضیه به دایما و مستمرا قریب و بعید هر طرفه اهتا و همت پیورلمقده ایدوکنندن بحر سفید ده کاش بعض اطهار اهانسنک اصول حسن اداره و حایه لرینه دقت و فقرا و رعایا سنک سایه شوکتویه حضرت شاهانه ده استحصال ارامش و استکمال رفاه و اسایشلرینه نظارت و بوضره ده طرابلسه دخی واروب اورانک برمدتنبه و دردست اولان بعض مصالح حالیه و نظامات کافیه سنی تسویه و رؤیت ایلمک اوزره حالا قپودان دریا دولتلو احمد فوزی پاشا حضرتلرینک بوسته مبارکده دوتغای همایون ایله آقدکره عزیمت ایملری خصوصه اراده معدلت افاده جناب ملوکانه متعلق پیورلش و مقتضای خیریت احتیواسی اوزره مشارالیه حضرتلری کچن شهر ربیع الاخرک یکرمنی بازار کونی چند قطعه قنای و فرقتین و قوروت و بریق سفاین همایونیه پیشگاه بشکطاشدن فک لنگر اقامت و مستعینا بسلامته تعالی صوب مقصوده شراعتکشی حرکت و نهضت و مشارالیه حضرتلری لطف و کرم باری و موافقت شرطه توفیق نعم الرفیق سبحانی و رهبری توجیهات اکسیر آیات جناب جهانبانی ایله ذکر اولنسان محملاری کشت و کذار ایدوب بمته تعالی عودتلری و وقوعه دکین عهده مشیر یلرنده اولان خداوندکار یالتنک مواد عسا کر دبقه سنک تنظیم و تمسبی حالا اناطولی سرعسکری و داماد ثانی جناب شهر یاری دولتلو سعید پاشا حضرتلرینه و امور مالیه سنک رؤیتی امور بحریه مستشاری سعادتلو موسی صفوقی افندی به با اراده سنیه احواله و تقویض و ترسانه عامره نک مصالح عسکریه و اداره متفرعه سی دخی قپودانه همایون سعادتلو مصطفی بکه حواله و سپارش پیور یله رق کندولری رجال ترسانه عامره دن بطرئه همایون عزتلو احمد بک و رباله همایون عثمان بکی معیتلرینه بالاستصحاب عزیمت ایلمشدر

ربن تعالی و تقدس حضرتلری قطب دائره خلافت و شوکت و باعث اسایش ملک و ملت اولان ولی نعمت ولی نعمت عالم افندیمن حضرتلرینه توکمن عمر و اقبال احسان پیورشون ذات شوکتسمات جناب ملوکانه به موهبه ازلیه اولان مأثر جلیله مجدیت باهر المسعدت شاهانه اقتضاسیجه عصر محاسن حصر شهر یاریلری آثار بدیع سندن اولق اوزره برمدتنبه و بعض وزرای عظام حضرتلرینه مشیرلک رتبه جلیله سی و معیتلرینه مأمور بعض بندکانه دخی محملرینه کوره فریقنک و لواحق رتبه رفیععلری عنایت و احسان پیورلسمندن مراد خیریت معناد حضرت شاهانه و مأمول و مطلوب عالی جناب پادشاهانه مجرد محافظه بلاد و حایه اهالی و عباد و علی الخصوص

سایه شوکتویه حضرت شاهانه ده داخل سلاک نظام ثریا انتظام اولان ردیف عسا کر منصوره نک حسن اداره و استخداملریله علی مایلیق تعلیم و تدریس امر جهاد ایملری امور مهمه سنه صرف سعی بیهود قضیه خیریه سندن عبارت ایدوکی جله عندنده ظاهر و عیان ایکن ایدین مشیری یولنسان یعقوب پاشا حضرتلریله صاروخان سنجاغی متسلمی حاجی ایوب آغانک خلاف مأمول عالی کرک عسا کر ردیفه و کرک حسن اداره بلده و سکنه مصالح معنا بهاسنه اهتمام و غیرته قصورلری اولدیغی مسموع عالی و تحقیقکرده جناب ملکداری پیورلش و بوجهته مشار و مومی الیهما نک عزل و تبدیلملریله برلرینه آخر مقتدر و مجرب برذات عبرتسماتک نصب و تعیین اولملری لازم کلش اولدیغندن و عسا کر خاصه حضرت شاهانه فریق و بیج سفیری اولان عطوققلوققی پاشا حضرتلری اول و آخر تریتکرده حضرت ملوکانه و چراغ دست افروخت جناب جهاندارانه اولمسلیله بالوجه نزد عالیده معتمد و منتخب ذواتدن ایدوکنندن حق و الازنده لامع و تابان اولان نیر عالم افروز توجیهات حضرت شهنشاهی ازسرنو باهر الاشراق اوله رق بوددغه قریحه صبیحه حضرت ملوکانه دن رتبه والای وزارت و عنوان جلیل مشیری ایله ایدین ایاتی مشیرلکی مشارالیه ققی پاشا حضرتلرینه شهر سابق مرقومک یکرمنی بازار کونی توجیه و احسان همایون پیورلش حسبه یوم مذکورده اباس خلعت رسمی بالاجزا اعلان اولمش و مشارالیه حضرتلرینک روسیه دولتی نژنده اجرایی مصمم اولان بیوک تعلیمه طرف اشرف سلطنت سنیه دن بولمق اوزره واقع اولان مأموریت مخصوصه سنک ایفاسیله بعده در سعاده عودت و ایدینه عزیمته قدر و کاله اداره ایلمک اوزره متعلق اولان اراده سنیه موجبیه بوددغه عسا کر منصوره فریقنک نقل اولنسان بحریه فریق سابق سعادتلونا مق پاشا حضرتلری ایدین سنجاغنه و ایدین ایالتی عسا کر ردیفه سی لوالغیله میرلوا عزتلو عارف پاشا دخی صاروخان سنجاغنه مأمور و تعیین و مشار و مومی الیهما یعقوب پاشا و حاجی ایوب آغانک در سعاده اقامت ایملری ضمنده بو طرفه کللری خصوصی کندولرینه تحریر و تبیین قلمش و مشارالیه ققی پاشا حضرتلرینه اعطاسی لازم کلان نشان عالیشان ایله مرصع فس و مشیرلک برات شریفی طرفلرینه ارسال و تسبیل پیورلدیغی منسلو مقدمدن مشارالیه نامق پاشا حضرتلرینه یولنسان بحریه فریقنکی نشان ذیشانی دخی منصوره فریقلرینه مخصوص اولان نشانلر و جهله تبدیل اوله رق اولدخی بو کونلر ده صوب مأموریه حرکت و عزیمت اوزره بولمشدر

برمدتنبه و انکله قرالی اولان دردبجی کلیم جنابلرینک یتش ایکی سنه به بالغ اولان سن موعودی حزیرانک یکرمنی کونی رسیده اتها و اولوجهله تارک دغدغه دنیا اولوب برینه برادری کریمه زاده سی حشمتلو و یقنوار جنابلری جالسندلی قرالی اولمش اولدیغی خبرینک و رودینی متعاقب اولیباید قرالیه مشار الیهما جابندن طرف اشرف حضرت شهنشاهی به مخصوص و رسمی نامه واردا و له رق احواله هذه در سعاده مقیم اولان انکله ایلمچی لوردیونسوخی جنابلری ارزان پیوریلان مساعدده سنیه شاهانه وجهله بالذات حضور همایون ملوکانه به تقدیم ایدرک مظهر التفات عالی حضرت شاهانه اولمش و دولت علیه ابدی الدوام ایله انکله دولت فخریه سی بیننده درکار اولان حسن مصافات و موالات اقتضاسی و لاسیما ذات شوکتسمات



حضرت شهنشاهینک بالجه دول متحابه حکمدارانى حقارنده ملزم عالمی
ملوکانه لری اولان حرمت لایقنه و رعایت فائزیه مقتضایى اوزره جانب
شوکتیاب حضرت تاجداریدن قرالیه مشارالیهانك قاعده صندلی
قرالیت اولدیغی تبریک و تهنیت و عیسی قرال سابق مشارالیهك وفاتیدن
طولانی اجرای لازمه تعزیت ایتمك و هیله حالامور خارجیه نظارت جلیله سی
مسند سامه سینه رونقده اقبال اولان مشیرمستری تدبیر دولتلور رشید بك افندی
حضرت تیرینك یزیننه سفارت مأموریتیه لوندیده افات ایتمك اوزره بکلکچی
دیوان همایون سعادتلو صارم افندی با اراده سینه حضرت شاهانه بیولك
ایلیک عتوانی و خارجیه مستشارانی رتبه و ایله سیه مأمور و تعیین و عهدسند
بولان بکلکچیلک و قیوکتخدا القلم مصالحك اداره سته دخی بکلک کینه داری
نافع افندی توکیل پیورلمش و سفارت مذکوریه باش سرکاتلیچون مومی الیه
صارم افندی حضرت تیرینك کوچك برادری دیوان همایون قلمی مهمه نویسانی
معتبرانیدن و خواجگان دیوان همایونیدن اسماعیل ادیب افندی بالاختاب
متعلق اولان اراده سینه ملوکانه موجبجه آمدی اوطه سینه مأموریتیه برابر
باش سرکاتلی و رتبه اوطه سی مستعدان کتابندن و خواجگان دیوان همایونیدن
افین مخلص افندی دخی ایکچنی سرکاتلی نصب اولندرق مستوفی خراجراهلر
اعطاسیه لوازم سفریه لری رؤیت اولمش و مومی الیه صارم افندی
حضرت تیرینه بودعه سایه بلند پایه حضرت جهانبانیده احراز و کسب
شرف و امتیاز ایلمدیکی خارجیه مستشارانی رتبه سینه مخصوص نشان فروغ
افشان عنایت پیورلیدندن بکلکچیلک منصبه مختص اولان نشان ذیشان
دخی مومی الیه نافع افندی به اعطا پیوریلوب باش سرکاتلی مومی الیه دخی
برقطعه رتبه رابعه نشان افتخاری احسان و کینه داراق و کالتیه دخی یته
قلم مزبور مهمه نویسانی مقیمانندن عاطف افندی زاده عاطف بك افندی
کامران قلمشدر

یوز قرق ایکچنی دفعه رقبه مرقوم و مطبوع اولان نسخ تقویم وقایعه
کشیده سالک سطور و املا قلندبخی اوزره ضریخانه عامره دفتر داری سابق
شهید سعید علی رضا افندی مرقومک عیال و اولاد و متعلقانی حقارنده
رحم و اشفاق مشمول الافاق حضرت ملوکانه ارزانیله بالجه مخلصانی ورثه
مرحوم مشارالیه ترك و احسان همایون پیورلمش اولدیغندن حالا دفتر داراق
مذکور مسند جلیله شرفیرا اولان مشیر مکریم عطوفتلو حسیب افندی
حضرت تیرلی نظارتی و معرفت شرع شریف الیه ثبت و تحریر و فروخت اولندرق
حاصل اولان اثباتندن دیون مثبته سی بعدالادا قصوری معرفت شرعه
ورثه سینه توزیع و تقسیم برله اعطاس اولمش اولدیغندن فضله حق تعالی
حضرت تیری وجود عالمسود حضرت ملوکانه ای ادنی عارضه دن مصون و محفوظ
پیورسون ولی نعمت زولی نعمت عالم روح جسم نوع بی ادم شوکتینه رأفت
دستگاه افندمن حضرت تیرینك موهوب و متخلق اولدقلری مکارم اخلاق
ملك پسندشاهانه و کمال مر احم و اشفاق فلک پیوند پادشاهانه لری اقتضای
محاسن احتواسندن ناشی بندگان صداقت نشانلرینك حال حیالتلرنده حق
حاجزانه لنده انواع جود و احسان فراوان ملوکانه لری شایان و ارزان پیورلمقده
اولدیغی مثللو بعد الوفات عیال و اولاد و تعلقات ساره لری حقارنده دخی
مر احم و الطاف شاهانه لری یدر یغ و مبدول پیوریله کلدیکینه و متوفای
مشارالیهك عیال و اولاد و همشیره سیه سائر تعلقاتی دخی بالوجوه مرحمت
سینه و عاطفت علیه به شایسته و سزاوار اولدقلرینه بناء سایه احسانویه
حضرت شاهانه ده برکونه ضرورت و مضایقه به دوچار اولاملریچون توسیع
دائرة رفاه و انعاملری ضمیمه شرفسنوح پیوریلان اراده مرحمت افاده
حضرت ملوکانه موجبجه مومی الیه مهمه امته مکرکنندن مستوفی معاشلر
تخصیص پیورلمش و اقتضا ایدن سندلری بالانظیم اعطا اولندرق بو وجهه
احسان علی الاحسان اولمق اوزره مظهر و مستغرق اولدقلری نعم جلیله
و الطاف جزیه حضرت شهنشاهی به تشکر اطراف اشرف شاهانه به دعوات
خیریه لری استیجابنه رغبت کوسرلمشدر

یوز قرق التخی دفعه رقبه طبع و تمثیل اولسان نسخ تقویم وقایعه بیان

اولدیغی اوزره بوندن اقدام دربارشوکت قراره ورود ایتمش اولان بخارا ایلیچسی
عزتلو بالطله قوی بکلک بودعه عودتیه رخصت سینه ارزانیله شهنشاهانلو
فخامتلو بخارا حاکی حضرت تیرلی طرفندن جانب سنی الجوانب حضرت
خلافتیناهی به تقدیم ایتمش اولدیغی نامه خلوص علامه نك جواب التفاتانی
متضمن طرف اشرف حضرت جهانداریدن حاکم مشارالیه حضرت تیرینه تصدیر
پیوریلان نامه همایون مکرمت مشحون حضرت ملوکانه نك اعطا و تسلیمی
ضمیمه مومی الیه شهر سابق مزبورك اون طقوزنجی جمعه ایرتشی کونی بکلر بکی
ساحل سرای معلاسنده واقع مابین همایون فیض مشحون حضرت شاهانه به
جلب برله بکلکچی دیوان همایون مومی الیه صارم افندی حضرت تیرلی حاضر
و ذکر اولسان نامه همایون برابر سر تعظیم و ایجالی اوله رقی بدنده طوبوب
مقام خدمته مستقر اولدیغی حانده ارزان پیوریلان رخصت سینه و مساعدت
علیه جناب جهانبانی و وجهه تشریفاتی دیوان همایون سعید بك افندی
دلالتیه حضور مهابت و فور حضرت ملوکانه به دخول و مر اسم زمینوسی
بالاجرا موقع اداب و رسومده قیام و مشول ایلد کدنصکره سالف الذکر
نامه همایون ملاطف مقرون شاهانه سفير مومی الیه اعطا و تسلیم و حاکم
مشارالیه حضرت تیرینه کال حرمت و رعایت ملوکانه ایجابجه سلام برکت
اتسام حضرت خلافتیناهی و تصویر همایون معجز نمون جهانبانیرله
مزین اهدا پیوریلان برقطعه مرصع قویتی دخی تودیعیه حاکم مشارالیه
تشریف و تکریم و کندوسنه برقطعه مجوهر نشان افتخار احسانیه سفير
مومی الیه دخی مظهر لطف عجم پیوریله رقی شایان پیوریلان مساعدت سینه
وجهه دائرة مابین همایون کرد ریلوب سیر و تماشا ایشدرلمش و بعده
مسافر تخانه سینه عودت و عزیمت ایش و فرداسی کونی امور خارجیه کاتلی
افندی رسالتیه کندوسنه و علی الانفراد معتبران خدمه و تبعه سینه خراجرا
اولمق اوزره مستوفی عطیه سینه شاهانه دخی عنایت و احسان برله حقنده
لوازم اکرام و حرمت کالینبخی اجرای همت پیورلمشدر

له الحمد و الله سایه شوکتویه حضرت شاهانه ده حجاج مسلمین بو سینه
مبارکده کال راحت و امتیاز اجرای فریضه حج ایوب صره همایون
شاهانه ایله برابر سالما و وطنرینه عودت ایش و شریف مکة مکرمه سیادتلو
شریف محمد بن عون حضرت تیرینك طرف اشرف حضرت خلافتیناهی به
صره همایون امینی اغا معاودتیه نامه و هدیه سی کلش و بلطفه تعالی
نسک حج شریفندن اولان وقفه شریفه یوم جمعه تصادف ایتمکله حجاج هدایت
منهاج حج اکبر ایدرک بو وجهه دخی مظهر شرف و ابتهاج اولدقلری و اوتدنبرو
حج اکبر و وقوع عادت حسنه دن اولدیغی اوزره برده بیت شریف سعادت ایفک
بوندن بویله بحر ادر سعاده ارسالنه مبادرت اولنه جنی مکة مکرمه قاضیسی
فضیلتلو افندی حضرت تیرلی طرفندن بودعه وارد اولان اعلامده انها
و تبشیر اولمشدر

کردستان حواله سنده واقع جزیره شیخی اولان عبدالفتاح نام شیخ بوندن اقدام
مرحوم رشید پاشا معینله تأدیب و تربیه اشقیایه مأمور اولان عساکر
نظامیهك جزیره طرفلرنده مدت ارام و اقامت لرنده تدارک تعینات و سائر
مازملری خدمه تنده صادقانه و غیرانه حرکت و اثبات مدعای عبودیت
و حجت ایش اولدیغی بالاخبار مسموع عالی اولمش و مومی الیه دخی بودعه
در سعاده کلش اولدیغندن و بو مقوله ابراز حسن خدمت و صداقت ایدن
بندگان حقارنده هر درلو لطف و احسان و التفات بی پایان حضرت ملوکانه
مبدول و مشمول پیوریله کلدیکندن مومی الیهك فیما بعد کافه تکالیف
عرفیه دن معافیتی خصوصنه مساعدت سینه حضرت جهانبانی ارزان و شایان
ولا جل التلطیف مابین همایون مکارم مشحون حضرت شاهانه به جلیله
مبارک خاکای اکسیر سای جناب خلافتیناهی به یوز سوررک مظهر التفات
مکارم نشان جناب پادشاه دارا دربان پیورلمش و مقتضای اراده سینه شاهانه
اوزره معافیتی متضمن اصدار پیوریلان امر عالی حضور همایون ملوکانه ده
بدینه اعطا و مستوفی عطیه سینه شاهانه دخی احسانیه کامر و اقلمشدر

دولتو سرعسكر پاشا حضرت ترينك كتخدالي خدمت والا زنده اولان عارف افندي ومكتوبچيلى خدمت بهمه زنده بولسان مكتوبى حضرت وكالتهاي خلفاسندن على افندي ومخيران كته حضرت سرعسكر بدن ومكتوبى دفترى خلفاسندن محمد رجائى افندي ارباب لياقتدن ووجهه عاطفت سنيه به سزاوار بندكادن اولدقلىر نه بناء خواجهلك رتبه لى احسانيله قدرلر ينك ترفيعى وديوان كاتى خدمتلىر نه بولسان خواجهكادن كامل افنديك باعث زايد شرف واعتبارى اولق اوزره مكتوبى صدرعالى او طه سنيه مامورى خصوصى سرعسكر مشار اليه حضرت ترينى مبارك ومعلنا كاي المبخشاي جناب پادشاهيدن استدعا ايتش واولو جهله مومى اليهم ومخيران رجال دولت عليه دن سعادتلو ناشد بك افندي حضرت ترينك كوچك مخدومى مختار بك افندي اصحاب لياقت ودر ايتدن اولديغى زده عالىده معلوم اولديغندن اكا دخی شرف افزای سنوح وصدور بيور بلان امر همايون عنايتقروون شاهانه موجبه عواطف عليه ملوكانه دن خواجهلك رتبه لى توجبه واحسان ومومى اليه كامل افنديك دخی او طه مذكوره مامورى خصوصى مساعده سنيه ارزان بيورلش واقضا ايدن خواجه لك رؤس همايونلرى اعطا اولمشدر

مولد عسكرى

ميرلوا اسكندر پاشا لوانسك بودفعه قونه جانبته اعزام اولسه جق ايكينى الاينك ميرالايى ايوب بك مقتضاي اراده سنيه اوزره تحصيل فتون ضمنده فرانسه طرفنه اعزام وارسال اولسه جق اولوب الاى مذكورك مامورى جهته ميرالاي استحاييله كوندلمسى ذكر اولسان الايك اتناى راهده ومحل مامورى تىلر نه حسن ضبط واداره لى نه بادی اوله جفته والاي مذكورك قائمقامى على بك در ايتكار وميرالايك پارس جانبته عزيمتدنبر والاي مذكورك ضبط ور بظى خصوصى غيرت واستقامتى نمودار ايدو كنه بناء مومى اليه على بك الاى مذكوره ميرالاي وانك يرينه الاى امينى عبد اللطيف بمك قائمقام وانك يرينه اوچينى طابور ييكباشى سليم اغاك الاى امينى وانك يرينه دخی الاى مزبورك برتنى طابورى صاغقول اغاى اسماعيل اغاك ييكباشى نصب وتعيين مناسب كورشمش اولديغندن كقيت مبارك ومسعود خا كاي عيون آراى حضرت جهانباشيدن اسنيدان بيورلدرق اولبايده مساعده احسانعاده جناب تاجدارى ارزان بيوريلور ايسه مامورى ترينى حاوى اقتضا ايدن درت قطعه امر عالينك اصدارى وپر عدد ميرالاي نشان ديشانك ضرر بخانه عامر دن وور قبضه سيفك دخی مهمات حربه دن اعمال واعطاسى ومومى اليه ايوب بك ميرالايلى ماهيه سى كا كان وىلمسى ضمنده باب سرعسكرى ومصارفات خزينه سنيه وسائر اقتضا ايدن محلا ره علم وخبرلر ينك اعطاسى

وميرلوا خالد پاشا لوانسك ايكينى الاينك ايكينى طابورى ييكباشى مصطفى اغا بودفعه سنجارلو محاربه سنده شهيدا وفات ايتش اولديغندن طابور مزبورك صاغقول اغاى محمد اغاك تعليم وتعلم وقوماندده مهارتندن بخله طابور مزبوره ييكباشى نصب وتعيين بيورلمسى خصوصى سبواس ايلالى مشيرى عطا وفتلو حافظ پاشا حضرت ترينى طرفندن باقى رات انها اولمش اولديغندن موافق اراده على بيوريلور ايسه مومى اليه مامورى ترينى حاوى لازم ككلا ن امر عالينك اصدارى

وشهد مومى اليه تعلقانى حقه شرفستوح بيور بلان اراده مر احم افاده حضرت شهنشاهى اقتضاي عاليسى اوزره شهيد مومى اليه درت باشنده صلبى اوغله يوز باشلىق رتبه سى احسانيله يوز باشى ماهيه سى ورتفر روجه سيله قاين پدرى ووالده سنيه منصوره خزينه جليله سندن بشقه بشقه ماهيه تخصيصيله مسرور وشادان بيورلش اولدقلىرى

وطر ابلس غريده اولان تيارلوسوارى عساكر منصوره الاينك ايكينى ييكباشى استانه مصطفى راشداغا تاريخونه محاربه سنده ياره لنوب وفات ايتش اولديغندن الاى مزبورك صاغقول اغاى استانه لى ابراهيم ادهم اغاك تعليم وتعلمده واداره امور عسكر يده لياقتى دركار ايدو كنه مومى اليه مومى اليه ايكينى ييكباشى نصب اولمشى موافق اراده سنيه بيوريلور ايسه اقتضا ايدن مامورى ترينى امر شريفك اصدارى

وسوارى عساكر منصوره ميرلوا لردن سالم پاشا لوانسك برنجى الاينده برنجى ييكباشى نظيف اغا عليل مزاج اولديغندن تقاعدلك احسانيله الايدن اخراج اولمش والاى مزبورك ايكينى ييكباشى حيد اغا ومقدما ميرالايى اولديغنى الايده صاغقول اغاى سلمان اغا اديب ودر ايتكار وتعليم وتعلمده مهارتلى نمودار ايدو كنه مومى اليه مومى اليه حيد اغا برنجى و سلمان اغا ايكينى ييكباشى نصب وتعيين خصوصى موافق اراده عليه بيوريلور ايسه مامورى ترينى متضمن ايكى قطعه امر عالينك اصدارى خصوصى دأرباب على به تقديم قلنان چند قطعه عرض حضرت سرعسكرى اولوجهله لى الاسنيدان اجراى اقتضالىر نه مساعده عليه جناب شهنشاهى شايان بيورلشدر

ذات ملكى الصفات حضرت ملوكانه به موهبه ربايه اولان اخلاق جليله مراحم واشفاق بنده پرورى ومكاره كسرتى شهنشاهى لى توصيف حدامكادن بيرون وجهه عباد حقه الطاف مالانهايه شهر يار يلورى عداد اشباى عالم امكاندن افزون اولديغنى جهله عندنده مسلم ووعون اولوب از جهله عساكر منتظمه شاهانه لك خدمت مستوجب المنفرت سنيه ده بولندقلىر حاللر نه مستغرق اولدقلىرى انواع نعم غير متاهيه حضرت تاجداريدن ماعدا دين ودولتى اوغورنده فراى باش وجان ايدنلر سعادت ابدية ونعم جليله صمدانية سرمديه به نائلته برمراد اولدقلىرى دركار ايكينى محضا ذات همايون حضرت جهانباشى كمال مر حمت وشفقت بنده پرور يلورى اقتضاي عاليسى اوزره تاريخونه محاربه سنده بجر وحوار تحال دار بقا ايدن ييكباشى راشداغاك والده سى حقه دخی بجر احسان بى پاين جناب شاهانه موجبه وجوشان والطاف شامله الاطراف شهنشاهى مومى اليه حق عاجزانه سنده دخی شايان بيوريلدرق منصوره خزينه جليله سندن مستوفى معاش احسان همايون بيورلش واولبايده شرفصدور اولان خط همايون عنايتقروون شاهانه جهله لك تئوير ساز باصيره ابتهاجى اوله جق مستغنى ايمان ادله وبرهان بولمش ايدو كنه بناء تبركا ونشرفا عينيله طبع وتمثيله مشابرت قلمشدر

*** صورت خط همايون شاهانه ***

منظورم اولمشدر سرعسكر پاشا لك اشو عرضنده انها وسرخده اسنيدان اولديغنى اوزره مومى اليه ابراهيم ادهم اغا الاى مزبوره ييكباشى نصب وتعيين ومامورى ترينى متضمن امرى اصدار ايتدراسون تاريخونه محاربه سنده بجر وحوافات ايدن مصطفى راشداغا دخی دين ودولتى اوغورنده فدائى جان ايتش وموقوفى مومى اليه دخی بر نفر اختياره والده سندن ماعدا كچه سنيه سى اولديغنى سرعسكر مشار اليه ديكر تقريرندن معلوم همايونلر اولديغندن مومى اليه منصوره خزينه عامر مزين مناسب مقدار ماهيه تخصيص اولمشى امر ايتدردم بومثلورك قدر وجهتلىر عند شاهانه مزده ندرجه معزز ومكرم اولديغنى نكته اشعار ايتشيدم حق تعالى حضرت ترينى تقصير اتيرنى عفو ايله

اشو تقويم وقايع شريفك بدنجى سندى ابتداكى تقويم وقايعيدر